



N°3963

Här Fernand Etgen
President vun der Chamber

REÇU
Par Christine Wirtgen, 15:32, 26/03/2021

Lëtzebuerg, de 26. Mäerz 2021

Här President,

Esou ewéi den Artikel 84 vum Chambersreglement et virgesäit, bieden ech Iech, dës drénglech parlamentaresch Fro un d'Madamm Justizministes, d'Madamm Familljeministes an den Här Immigratiounsminister weiderzeleeden.

Den 23. Mäerz 2021 goug an engem RTL Reportage rieds vu Persounen, déi zanter Juni 2020 aus dem Prisong entlooss goufen, ouni dass si ee feste Wunnsätz haten. Et heescht an deem Reportage weider, dass vun deenen 30 Persounen, sech der 11, illegal hei am Land opgehalen hunn an déi aner hätten d'Iwwernuechtungsofferen vum Service central d'assistance sociale respektiv dem Service psycho-éducatif vun der Prisongsverwaltung net acceptéiert.

D'Madamm Justizministes huet erkläert, dass geplangt wier, de Schraasseger Ex-Detenuen d'Méiglechkeet ze ginn iwwergangsweis op Giwenech ze goen. Och géif um Projet vun de sougenannten Transitounswunnengen geschafft ginn. An enger rezenter Äntwert op d'parlamentaresch Fro n°3698 hunn d'Madamm Ministeren nach geäntwert, dass, entgéint dem Koalitiounsaccord vun 2018, 2019 decidéiert gi wier zu Lëtzebuerg keng Transitounshaiser ze schafen.

Mir wéilten duerfir folgend Froen u virgenannt Ministere stellen :

- Kënnen d'Ministeren eis soen, wéi vill Persounen, déi déi lescht Joren aus dem Prisong vu Schraasseger entlooss goufen, eng Iwwernuechtungsoffer gemaach kritt hunn?
 - o Wéi vill Persounen hunn dës Offeren refuséiert?
 - o Wat waren d'Grënn vun deenen Ofsoen (den Detenu hat schonn eng Méiglechkeet fir ze logéieren, etc.) ?
 - o Wier et méiglech dës Informatiounen opgelëscht op déi lescht 5 Joren ze kréien?
- Kënnen eis d'Ministeren erklären, ob dann elo Transitounshaiser geplangt sinn oder net, wëssend dass ni gefuerdert gouf, dass sou Strukturen nëmmen Ex-Detenuen solle reservéiert bliwen?
- Wéi gétt am allgemengen de Suivi vun den Ex-Detenuen gemaach? Wie mécht dee Suivi? Wéi leeft dee Suivi of?
- Kënnen d'Ministeren bestätegen, dass et an de leschte Joren just zu där enger, am Reportage beschriwwener, onvirebereeter Entloossung aus dem Prisong vu Schraasseger komm ass? Wéi konnt et dozou kommen?
- Wat déi 11 Persounen, déi illegal am Land waren, ubelaangt, kënnen d'Ministeren eis soen, ob et sech hei exklusiv ëm Persounen aus Drëttlänner handelt?

- Kënnene d'Ministeren eis erklären, wéi d'Prise en charge vun dëse Persounen konkret no hirer Entloossung ofleeft?
 - o Ginn dës Persounen, no hirer Entloossung, direkt am Centre de rétention ënnerbruecht, wou jo och en psychosozialen Encadrement séchergestallt ass, fir duerno ausgewisen / ausgeflunn ze ginn ?
 - Wann net, wéi gëtt hir Ausweisung konkret duerchgezunn?
 - Ginn et do Prozeduren? Wa jo, kënnen d'Ministeren, déi am Detail beschreiwen?
 - o Wann net, ginn déi Leit an deem Fall sech selwer iwverlooss?
 - Sollt dat de Fall sinn, sinn d'Ministeren net der Meenung, dass de néidege Kader feelt fir ze verhënneren, dass se an de kriminelle Milieu nees erofrutschen? Hunn d'Ministeren dozou statistesch Material?
 - Sinn d'Ministeren der Meenung, dass Ännerungen un de gesetzleche / prozedurale Bestëmmungen néideg sinn?

Här President, mir bidden Iech, eisen déifste Respekt unzehuelen.



Françoise Hetto-Gaasch
Deputéiert



Paul Galles
Deputéierten



CHAMBRE DES DÉPUTÉS
GRAND-DUCHÉ DE LUXEMBOURG

Dossier suivi par Christian Alff
Service des séances plénières et
secrétariat général
Tél : 466.966.223
Fax : 466.966.210
e-mail : calff@chd.lu

Monsieur Marc Hansen
Ministre aux Relations avec le Parlement
Luxembourg

Luxembourg, le 26 mars 2021

Objet : Question parlementaire n° 3963 du 26.03.2021 de Monsieur le Député Paul Galles et
de Madame la Députée Françoise Hetto-Gaasch - Prise en charge des ex-détenus

Monsieur le Ministre,

J'ai l'honneur de vous communiquer par la présente la question parlementaire sous objet.

Selon les dispositions de l'article 84 de notre règlement, l'urgence n'a pas été reconnue, de sorte que ladite question est à considérer comme question écrite, conformément aux dispositions de l'article 82.

Je vous prie de bien vouloir me faire parvenir la réponse du Gouvernement dans le délai d'un mois afin que je puisse la faire publier avec la question au compte rendu.

Veillez agréer, Monsieur le Ministre, l'expression de mes sentiments les plus distingués.

Fernand Etgen
Président de la Chambre des Députés